

Ma Priéthe par Florence M Hacquoil (FMH)

Dévant m'couochi tréjous au sé,
jé m'mets à g'nouors au bord d'man liet,
jé dis tout bas eune p'tite priéthe ;
qué Dgieu entend, j'aime bein à l'craithe.

J'èrmércie Dgieu pour mes pathents,
et j'prie pour touos les p'tits êfants,
dans des pays bein liain d'Jèrri
tchi souvent n'ont rein à mangi.

Jé d'mande à Dgieu dé m'pardonner
pour les mêchés qu'aniet j'ai fait.
J'n'èrhal'lai pas sus la coue du cat;
j'mang'geai tout chein qué M'mèe m'donn'na.

Go to the Jèrriais website to find the audio version of this...

www.jerriais.org.je

